

657 DEO OPTIMO MAX. 93

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA,*

CARDINALITIIS DISPUTATIONIBUS,

manè discutienda in Scholis Medicorum, die Martis decimâ-nonâ
mensis Februarii. Anno Domini M. DCC. LXXI.

M. DIONYSIO-CLAUDIO DOULCET,

Doctore Medico, Præside.

An sanitati noceat frequens Exspuitio?

I.



EDICINÆ practicæ pars non infima Hygieine, cujus ob-
jectum quidquid sanitatem tueri, morbos præcavere, cor-
pusque ad longævitatē disponere valet. Non igitur solum-
modò aëris, cibi & potūs, motūs & quietis, somni & vi-
gilæ, atque animi affectuum moderatio ac regimen ad eam
pertinent, verum etiam excernendorum retentio, & reti-
nendorum excretio ipsi veniunt præcavendæ. Scilicet inter
humores diversos qui à sanguine tanquam à fonte communi

per diversa incernicula, sive glandulas veras sive poros sim-
plices, segregantur ac fecernuntur, alii ad certos usus vel individui vel sobolis
propagandæ à beneficâ Naturâ destinantur, & appellantur *Recrementitii*; alii verò
à Recrementorum elaboratione residui, assimilationem cum liquidis humanis pati
indociles, tanquam inutiles imò noxii amandantur foràs & *Excrementitii* dicuntur;
alii tandem, quasi mixtæ indolis, non immediatè quidem ad actiones naturales con-
ferunt ut recrementa, nec aliunde perpetuò inutiles & noxios sese exhibent ut
excrementa, sed partibus inungendis, lubricandis & ab excrementorum acrimoniâ
defendendis interserviunt nec unquam nocent nisi fortè qualitate peccent vel copiâ.
Qui quidem humores (malè à quibusdam inter recrementitios, pejus à nonnullis
inter excrementitios recensiti, melius fortasse *Lubricantes* proprio nomine appel-
landi) quandoque intrâ corpus reineri, quandoque à corpore eliminari possunt
imò debent salvâ œconomiâ animali. At verò non idem de Recrementis & Excre-
mentis ita propriè dictis affirmari potest. Quantum enim horum retentio sanitati no-
cere; tantum illorum excretio nimia foret insalubris. In hanc Regulam non frequen-
tius peccatur quàm dum pravâ sive consuetudine, sive ignorantia & errore, fere in-
definitè exspuitur. Tunc enim foràs ejicitur humor blandus & utilis quo non fa-
lubrior alter in toto corpore, saliva nempe, quæ si deglutiretur & sanguini rursus
miseretur, melior fieret ac melior, quâ verò deficiente innumera oriuntur mala.

* *Authore M. SAVARY, D. M. P.*

PLURIMI hospitantur in humano corpore humores quorum ignoratur natura. Imò existentia ambigitur, vel quia ob tenuitatem nimiam oculis fugiunt, vel quia difficile est admodum illos in animalibus vivis ex ipso fonte sinceròs haurire, & sufficienti copîa colligere explorandòs. Anatomici qui hæc tunc in degetendis corporis partibus solidis multum nec sine fructu infudarunt de fluidis fere filvere quasi his non æquè ac prioribus staret œconomia animalis. Chemia cujus objectum est varias entium naturalium proprietates indagare, plurima de Regno fossili, pauciora de vegetabili, paucissima de animali hucusque suppeditavit. Adeò ut vix quidquam de humoribus tum sanis tum morboſis nobis constet, nedum œconomiae animalis doctrina perfectionis culmen, ut quidam autumant, attingerit. Attamen hoc vitium in salivam non cadit, cujus utique ea est scaturigo, eaque copia & colligendi facilitas, ut de ipsius natura & usu, tum ex qualitatibus nativis & phœnomenis quæ absque ignis torturâ exhibet, tum ex Analyſi Chemicâ, ritè exploratis aliquid certi statuere possimus unde præſentis humoris illius utilitas absens noxa inferatur. Secernitus quidem à sanguine puro, arterioſo, multis variisque glandulis quas communi nomine *Stomaticas* Steno appellavit, quarum quidem naturam, fabricam & situm docet Anatome) nimirum parotides, maxillares, sublinguales, buccales, palatinas & tonsillas, ex quibus per plures ductus secretorios in oris cavum undique confluit, copioſius autem inter manducandum & loquendum. Quod attinet ad qualitates nativas salivæ, 1°. Diluta & pellucida est, odoris & saporis ferè prorsus expers. 2°. Igne non concreſcit, ut de lymphâ constat, sed candenti laminâ metallicâ imposita tota evanescit. 3°. Conquassata tenaciter spumescit. 4°. Vestium maculas abstergit saponis instar, ulcera mundat, tumores resolvit. 5°. Farinæ fermentationem promovet, ut patet ex more veticularum Indiæ edentularum orizum & Maiz manducantium, dein succum cum salivâ mistum expentium in vasa, ut inde fermentatione paulatim conceptâ parentur potus inebriantes hisce gentibus acceptissimi. 6°. Tamen nimiam substantiarum animalium ad putrefactionem, vegetabilium ad acescentiam dispositionem reprimere ac moderari videtur juxta Clariss. *Pringle* (a) experimenta. 7°. Tandem dum ore plane siccò deficit saliva nullo modo sentiuntur saporis, licet sapidissima corpora linguæ & palato applicentur; dum vitatur, injucundè gustum afficiunt. Si autem saliva distillationi secundum artem subjiciatur, suppeditat. 1°. Liquores varios phlegmatico salinos qui tincturæ florum malvæ virorem communicant & spiritibus acidis effervescent. 2°. Olei Emyreumatici & alkalibus saturati guttas aliquot 3°. Ex mafsâ residuâ, calcinando & elixiviando aliquantula salis alkalini fixi quantitas educitur. 4°. Paucissima remanet terra Damnata Chemicis dicta. Ex his ita ut non diffiçili negotio concludere est salivam esse humorem blandum ex copioso phlegmate, multo sale alkalino volatili (b) aqueis partibus tamen dilutione quàm ut organa sensuum afficiat, aliquantulo oleo sive sulphure Physiologis dicto & paucò sale alkalino simul in aporem coactis, tandemque terrâ paucissimâ compositum: adeoque genuinum ipsius usum esse non modo vias deglutionis lubricare, quod potius verum est de tonsillarum & uvulæ muco, sed vehiculum præbere saporibus solvendo alimentorum sales, ac potissimum alimenta duriora & sicciora jam manducatione contrita penetrare, emollire; humectare, dissolvere, primarum, viarum digestionem inchoare, ingesta ad assimilationem in naturam nostram disponere, atque ipsi primum quasi animalitatis sigillum imprimere.

I I I.

PRINCIPEM ergo inter humores Recrementitios locum tenet saliva, eo præsertim titulo quòd Digestioni opituletur, ut satis superque evincit tum illius humoris qualitas, copia, secretionis locus, fontium ex quibus manat nu-

(a) Vid. Mém. ç.
sur les substances
septiques.

(b) Salille volatilis sese manifestat odore uti noto dum linguæ applicatur sal alkalius fixus cujus actione resolvitur saliva.

merus, situs vicinia. Porro humor Recrementitius alimentorum coctioni infer-
 viens nunquam potest sine noxâ rejici, imò quot & quanta ex frequenti illius ex-
 spuitione oriri debeant incommoda veras œconomiae animalis leges callenti pa-
 tescit. Non enim jam per Digestionem intelligitur sola ex ingestis per tritum sim-
 plicem Chyli extractio, qualis secundum artem ex mucilaginis feminibus extra-
 hitur emulso. Id figmenti evertit ex multiplici alimentorum adeo inter se discre-
 pantium naturâ unus & idem semper nascens chylus, ac requirit potius actionem
 humorum solventium ex ipsâ sanguinis, malsâ per coctiones præcedentes parato-
 rum, & assiduâ elaboratione secretorum, variorum fortasse in variis animalium
 speciebus, quorum ea sit energia ut tam diversas ingestorum substantias inter se
 miscere, & cum corpore nutriendo jam assimilare, earum odorem & saporem
 mutare, motum intestinum in iis excitare, inchoare fermentationem, putrefac-
 tionem retardare, salina solvere, oleosa cum aquosis miscere, & ex iis tandem
 humorem blandum, uniformem per lacteorum oscula meabilem, cum lymphâ &
 sanguine miscibilem parare possint. Atqui ex antecessis patet salivam ad eos omnes
 effectus præstantissimos symbolum primariò conferre tum vi saponæ quæ ex oleo
 & sale alkalino exsurgit, tum aquâ & spiritibus quibus etiam constat, tum deni-
 que perfectâ ipsius coctione & crudi assimilandi virtute singulari quam resorptio-
 ne in sanguinem & iteratis circulationibus acquirit. Deficiente igitur salivâ, non
 solum pauciori quantitate ex ingestis educitur chylus, sed etiam paratur deterior;
 siquidem observatum est (a) panem nigrum, si subito absque manducatione devo-
 retur, & sine salivæ admitione, post aliquot horas nihil mutatum revomi, eun-
 dem verò, si dentibus probè subigatur, & cum salivâ intimè misceatur, in album
 liquorem abire chylo simillimum. Unde tritum illud animam suam odisse qui ode-
 rit masticationem. Chylus autem deterioris notæ difficulter admodum in sangui-
 nem mutabitur, sed per urinæ vias maximam partem eluetur & amandabitur foras,
 adeoque etiam vel nihil vel parùm lymphæ nutritiæ suppeditabit, necnon alio-
 rum pariter quorumlibet Recrementorum, præsertim salivæ ipsiusmet, secretio
 perturbabitur, unde rursus eadem imò pejora redibunt incommoda. Quamvis enim
 iisdem quibus nutritur consumemus debet tamen præparari in corpe materies nu-
 triens ut assimiletur in naturam nostram, & restituere possit illa quæ per actio-
 nem ipsam vitæ disperduntur, siquidem non ingesta quælibet, sed digesta sola
 nutriunt. Læsa autem primâ coctione seu mutatione alimentorum in chylum, læ-
 duntur & aliæ, nimirum chyli in sanguinem transformatio, & sanguinis ipsius in
 lympham nutritiam toti corpori prospicientem aliaque recrementa partibus singu-
 laribus utilia mutatio, quæ est sanè ultimus coctionis animalis terminus & finis.

(a) Boerh. Præ-
 lect. Acad. §. 78.

I V.

QUOD jam de salivæ usu ac necessitate ratione evincimus, id quoque quo-
 tidiana comprobatur experientia. Sic dum in primis viis aguntur tragoediæ,
 observamus eos qui frequentius spūtu appetitu carere, fastidiare cibos; difficul-
 ter ac ne vix quidem concoquere, flatibus obnoxios esse. Cum autem ulterius
 processit mali labes, tunc temporis, consumptâ per nimiam salivæ excretionem
 liquidiori materiâ, lentissima sit reliqua humorum massa, vix permeabilia sunt
 vasa capillaria, impeditur circulatio in minimis viscerum præsertim abdominalium
 vasculis, morbus nascitur hypocondriacus, unde meritò olim Hippocrates sputa-
 tores melancholicos esse aut fieri pronunciavit. Cujus quidem rei exempla quo-
 tidie nobis præbent ii quibus familiare est perpetuò masticem vel tabacum man-
 dere, aut etiam tabaci fumum ex fistulâ frequenter fugere. Hi enim, teste Expe-
 rientia, corpus suum exhauriunt & in anorexiam, maciem, sitim, tabem, me-
 lancholiam denique se præcipitant. Olim more fuit receptum inter aulicos Galliae

nostræ, ad exemplum Principis, ut pastillos ex mastiche aliisque medicamentis odoratis compositos continenter manducarent, unde ferè omnes in teterrimam atram bilem inciderunt, ex quâ non convaluere, nisi prius cognitâ mali causâ à mastiches manducatione desinere iussi. Tandem non modò chylus, non modò sanguis, sed etiam lymphâ nutritia blando ac dulci balsamo ad restaurandas vires adeò necessario per hanc detestabilem spuendi consuetudinem orbat, & sensim corpus miserè tabescit. Unde Boerhaavius ait salivam exspuitione voluntariâ nimis secretam ἀπορροήν, διαρροήν, ἀπορροήν creare. Narrat Ruyschius (a), auctor gravissimus, puellam annos duodecim natam, quæ ob ingentem plagam in inferiori labro stillicidium perpetuum salivæ perpetiebatur, corpus habuisse diu tenellum & admodum exile sanatum vero mox increvisse & justam corporis magnitudinem adeptam esse. Idem invisit matronam quamdam Amstelædamentensem summo perè emaciatam & consumpti ferè corporis, quam deseruerant desperantes omninò de sanitate Medici. Dum circumspiceret ad omnia sedulus Medicus ut inquireret in causas mali, vidit fortè eam omni temporis momento in vas à latere appositum salivam exspuere. Vetuit illicò ne hunc benignum humorem ejiceret. Quæriserum mutatio! Brevis sanata fuit absque ope, sine necessitate auxilii: nec semel id se vidisse ait, imò verè sæpenumero. Et sanè nemini inter attentos Medicos contigit simile quid observare. Quàm errant igitur, ut cum Ruyschio (b) dicam, qui salivam pro excremento noxio habentes, eam abijciunt, eoque pulchrius valemere putant hominem quò frequentius eo corpus exonerat, eum in finem si alogoga adhibentes & offas tenaces manducandas!

(a) Ruysch.
Adv. II. n°. 5.

(b) Ruysch. Ibid.

V.

NEC suadere debent exspuitionem casus nonnulli in quibus proritatur salivæ uberior excretio, v. g. in lue venerèâ, in cachexiâ. In hæc enim non tam vera saliva ejicitur quam aqua inutilis & redundans ad quam eliminandam commendantur masticatoria; in illâ autem id quod salivatione Mercuriali effluit est liquamen putridum è sanguine liquefacto exulans à salivæ naturâ alienum. Neque etiam salivæ inutilitatem arguere debet critica per glandulas salivarias evacuatio in variolis & quibusdam aliis morbis exorta: hæc in viâ tunc liberatur corpus noxia perspirationis insensibilis materiâ, quæ crustâ cutem tegente intra sanguinis rivos repulsa est. Nec tandem cum excretionem confundenda perperam exspuatio. Hæc enim est puræ putæ salivæ excretio, illa autem est viscosi muci à salivâ difficilis ex asperâ arteria, bronchiis, imò tonsillis cum quodam conatu rejectio, quæ quidem sæpius, præsertim matutino tempore, utilis est ac necessaria, dum scilicet ille mucus copia vel spissitudine peccans, partium lubricationi jam ineptus, morâ duntaxat & stagnatione excrementitius fit & excreandus. Saliva autem, quantâlibet copiâ secernatur in os, nunquam tamen excrementi nomen venit, sed Naturâ per somnum monstrante viam semper deglutienda. Deglutita enim, & sanguini iterum atque iterum atque iterum mista, repetitâ quasi cohabitatione optima fit & in menstruum perfectissimum elaboratur.

Ergò sanitati nocet frequens exspuitio.

Proponebat Parisiis JOANNES-JACOBUS PAULET, Occitanus,
Diocesis Alesiensis, Doctor Medicus Monspelienfis, necnon Saluberrimæ
Facultatis Medicinæ Parisiensis Baccalaureus, A. R. S. H. 1771.

A SEXTA AD MERIDIEM.

Typis Quillau, Universitatis & Facultatis Medicinæ Typographi, 1771.